

廣成集卷之五

第五

上相太清宮內供奉應制之章大德勳著杜光庭撰

上元玉局化衆修黃籙齋詞

伏聞道出虛無之表職在生成德超仁義之先功包慈育化綿億劫教普群方由是三呈以道御乾坤五帝以德承天地人臻福壽格致雍熙雖金木運遷步驟時革理家康國惟道為先行之則四海晏清代運淳樸達之則中原版蕩物變滄瀛我國家師太古之風紹玄元之訓懷道抱德祖舜述堯故能縱神武以游埃氛中興鳳曆光聖文而安社稷克固鴻圖臣等夙荷道慈獲逢昭運微功未著寵澤已深思虔齋潔之誠仰報君親之德今屬天官統序木帝司方當上元拔戒之期是下土精修之節共資法信同詣靈壇備玉邊金豆之儀陳十極四華之禮蓮紅散焰續陽景以燭幽關蘭炷飄煙御星躔而達卑懇必冀衆真迂駕萬聖迴軒俯鑒群心洪流巨福上扶宸極安帝業以天長仰奉廟謀鎮坤維而地久邊烽不警氣序式和較稼滋豐生靈舒

秦震瀛輯睦車軌混同妖氛不興楨梓荐委臣等存亡介福七祖生天族屬沾榮三災弭息或前生今世罪網未祛或往債宿冤過尤未解或刑章有失或宰割不明或故殺誤傷因成報對或運心履行有犯神明或土木奢華服用繁侈三官紀過五帝司非惡此機祈皆希洗滌賜臣等壽齡延永禱祚遐長災厄蠲消冤讎和釋其有同心事主戮力勤王風露先驚古今俄隔緬惟夜府願享福緣爰伸濟拔之因俱遂超昇之路其次蒸嘗曠絕冥漠無依亦伴往生勿為滯滯龍神正秩五廟靈司乘黃籙之殊恩休玄都之景貺肅清風景安鎮方隅疫毒無侵干戈不作蚩虺異品動植殊形六趣四生三途五苦九龍符命三寶威光普沐神功並登真道

白可球明真齋讚老君詞

伏聞道本至無化分妙有功包覆兼恩普幽明家國稟之以安寧存亡得之以開濟神威靈澤妙用無窮臣以玉局洞天神仙真府將申瞻敬式表宸儀遠為玄祖幽局聖造真像

辟容端穆侍衛駢羅疑珠宮下降之初若玉座浮空之際巨功既就妙相益嚴日角月玄煥矣群生之主綠眉皓髮巍乎萬聖之事永福一方以鎮靈化是用虔修表讚載展誠祈披玉匱之科備明真之典轉經行道燃燈炷香灑懸上玄冥心下土伏冀傾光三境迴駕九清憫鑒塵微降流禎既潛扶寶祚密祐聖朝契自然清淨之風臻太古無為之理伏願坤維肅穆川境晏安符瑞有聞災凶不作臣九玄幽爽七祖魂神出長夜之庭昇洞陽之館毀絕地錄超著天衝泊乎有識合生三徒六趣俱霑景福各遂生成臣積罪銷平宿致除蕩災纏霧廓道化風行得因象之玄珠入希夷之秘籙並具精修奉以答玄恩

溫江縣招賢觀衆齋詞

伏聞妙道融真高出混元之表天尊立教光敷浩劫之先歷代化人隨機濟物大惟邦國普及幽明俱賴神功咸承景貺臣等叨逢聖運夙稟真詮欽玄元道德之宗親烈祖神仙之躅尚拘世網未脫樊籠分地用天恭守玄

儒之訓節時約已敢忘覆載之私今屬至聖
垂衣元勳撫俗五兵罷警百穀荐登野洽詎
訝人歸富壽當九井降生之月是三台誕瑞
之期將報洪恩莫先黃籙是敢博求衆力同
備信儀嚴飾仙蹤遵依秘格披心十極歸命
諸天然燈炷香馳誠達懇伏冀三尊駐景下
察丹襟萬聖迴軒傍流玄澤上扶社稷配天
地以安禎仰贊聖躬同日月而輝煥台星福
曜常鎮坤維將暮廟謀永宣并邑一方昭泰
四境又安疫毒無侵戈鋌不作巨等九玄七
○ 祖超度泉扃五族六親允蒙楨祐銷平罪咎
和釋災凶農蠶克保於豐穰幽苦咸期於扶
濟龍神鎮守風雨均調造化周行靈威廣被
茫茫九土擾擾四生承黃壇普憐之緣因太
上九龍之命俱昇道果吾陟仙階飄浮花祭
之魂霜露霑零之魄勿為疢癘各遂往生道
力所覃水叶元吉

犀浦劉殷費順黃籙齋詞

伏以清淨之宗託重玄而設教生成之本資
妙用以宣功家國稟之而九昌古今運之而

不竭專惟道化首出帝先今屬睿聖御天元
台分闡教弘道德字育蒸黎任伊堯鳩舜之
仁邁后稷皋陶之德萬方有春四境無虞共
感殊恩何階上答是用率勉寮屬考按經科
嚴飾壇場備申齋潔精香燈而達懇奉信幣
以表誠注念九清馳心三境伏冀玄光下燭
至聖冥迥俯鑒群情滂流巨澤上扶帝業光
讚聖朝比三辰以並明燈兩儀而等固鯤池
鳳穴之野聲教遐傳桑津蒙谷之鄉車書混
一保寧藩部巨佑元戎天祿永增壽筵彌廣
○ 臣九冥玄祖超苦超於幽關五族同親享善
緣於道域封隅之內三農有積於倉箱政化
之中群瑞日編於簡冊干戈靜息痍癘無侵
其有滯骨飄魂久悲風露傷境敗廟常苦凋
荒乘此勝因咸臻妙樂龍神安鎮士庶昭甦
蠢動有生同昇福界

飛龍使唐裔為皇太子降誕修齋詞

臣聞惟道為大運玄功而生育乾坤惟帝為
尊握洪樞而主張造化廣司萬國總統群生
承景命於三清定宏基於九土由是瑤圖積

瑞銀漢騰華載誕元良恢弘大業今屬梓虹
泛綵寶電飛光當重離啓耀之期是率土虔
誠之節敢披雲笈恭詣仙壇備靈寶之道場
嚴長生之勝會鯨鐘鳳磬飄逸響於九天鶴
焰龍煙達精誠於三境伏冀皇圖隆永均雨
露以無窮聖壽高崇與八溟而比大六宮內
職協讚宸居萬彙群方昭宣睿德皇太子龍
文鳳質嶽固松貞超漢盈周賢扶一統大同
均化旁及黔黎共宗有道之期並洽無為之
運巨甚不任禱祝慶祈歸命之至

興州王承休特進為母修黃籙齋詞

臣聞上聖垂科天真設教神功救物無遺動
植之中惠力宣恩普及昇沉之內粵自玄古
逮于茲辰荷澤蒙慈莫和紀極由是鄴山北
部潛祛邪沴之塵斗極南昌廣布生成之照
必資虔潔方獲感通巨猥以凡微叨榮道塵
遭逢齋潔踐歷官震入侍天階高陞九霄之
上出持符竹籠臨千里之中或齋肅師徒須
行刑憲輯寧封部須舉威章慮乖折衷之宜
自擬過尤之目以茲兢灼常真肺懷今則巨

母實氏本命甲子某月日生災運所纏遂嬰疾苦雖勤服餌未獲痊平恐是往債宿寬高為注訟前生今世旋結罪名或呈罹所臨或年辰所歷凶災凌撓命祿衰微晚夕憂惶周知救護況臣主持王事迢遞道途不得躬奉

庭闈親調藥膳心馳萬壑目斷千山惟憑大道之慈蕙集感通之効是用歸依靈觀稽首華壇修黃籙道場告玄真上聖願迴聖鑒俯介福祥賜臣母氏易短促之齡益遐長之祚蠲消厄會蕩滌災瘵使六氣均調百關康愈

咎瑕除解冤債和平克瞻日月之華別降生成之福三途幽夜六極殊倫同享勝因共臻善既九玄開度五族安寧微臣常奉二親得勵旨甘之願榮朝聖主永勤忠赤之誠惟誓丹襟上副玄祐不任瀝懇望恩虔祈之至謹

詞

胡常侍修黃籙齋詞

臣聞妙本希微至真寂運神功而化育陶品物以生成應感無私周流靡倦所以九玄三古咸宣素載之慈天上人間共沐油濡之

澤金科玉律雲篆瑤章先萬法以垂文具九流而拯世大哉至教無得而稱臣夙荷道恩欣逢景運優游玄造沐浴皇風逸豫順於天和俯仰榮於大化早參秘籙常勵明誠燧燭焚香每肅虔於晚夕瓊儀寶輶敢有怠於敬

恭族屬周親常臻護是用精修黃籙上奉玄休素十華三境之儀備羽馨霜鍾之禮歸心萬聖稽首諸天伏惟俯鑒丹襟曲垂玄造憫茲誠款錫以休祥賜臣九祖七玄生天證道六親五族愛福霑榮存亡均康濟之仁勳

靜獲安貞之賜災凶珍息冤債和平罪咎蠲銷梯筭延益普天含識率土懷生俱承道德之緣永樂雍熙之化不任懇命虔祈之至謹

詞

李玄微為亡女修齋詞

臣粵自塵微早依真教叨深玄渥夙荷靈休迫以俗機縈纏世網久拘職官罔遂初心思明榻以未期欲奮飛而徒切依樓修敬敢息私誠而過咎所鍾女子殞逝光陰過往傷痛難勝但女子初笄之年歸于儀氏夫歿之後

善志道門已造製法衣繕寫經籙永期頂冠佩服虔奉修持值臣以王事征行未果前願俄嬰疾恙奄此淪亡抱幽懇而莫申念冥關而增恨伏惟三尊憫眾聖哀憐曲迴鑒祐之恩特降速昇之澤俾其魂魄得契歸依積

生之冤債銷平在世之罪瑕蠲釋按度幽泉之苦獲居善爽之中道力玄功常加祐護其亡女所修寫法籙道衣等謹於道場前焚燒上奏伏惟至聖鑒照愚衷勅其魂神開度領受臣不任瀝懇虔祈哀痛迫切之至謹詞

天冊巡官何文濟為東院生日齋詞

臣聞天地分靈君臣定位必資輔贊用致昇平猶風虎以相須若雲龍而感契由是吹塵入夢諭鼎膺求審像生賢熊氏卜臯變之旦堯曆元凱虞朝齊軒台之風莫不禱灼帝圖光昭史筆以康億兆以福寰區本屬歲紀壬辰日乘庚午朔居天候月合水衡疑南斗之楨休集東陵之瑞彩景風入律星火開祥誕昇降萬允當今序叨備青襟之列輒析玄聖之恩虔詣華壇願崇鴻福蘭缸夜燭檀穗朝

飛仰陳三秦之儀必達九天之鑒伏冀青函
紫筆延生題東極之書絳簡未編得道署南
昌之籍壽同山峻祿並海深樂境增澄萊水
顯德馮序繼三台之美鯉庭超七葉之雄陶
冶九圍臣扶元聖政歸一統俗洽大同普單
夷夏之方永鎮雍熙之化臣某受恩隆異者
已虛存惟叩靈真曾明感激不任踴躍虔心
歸命之至謹詞

宣勝軍使王讓為亡男昭胤明真齋詞

伏聞大化無方神功廣被洞幽明而赴感普
生死以垂恩拯度無遺古今蒙澤巨頤者專
征北陸統領師徒橫黑猶以臨戎普頌巨師
奮凋戈而効命志沈國儲山川有登涉之遙
糧饋有輓輸之重惟期辦集正切憂兢又一
軍之人苦於瘡痍死傷枕藉相望道途兼小
男昭胤疾恙所嬰性命懸迫發丹誠而啓願
冀玄聖之鑒臨尋遠迴戈免貽曠嗣再朝丹
陛祗奉皇慈恭荷道恩敢申昭謝是用按洞
玄品格披靈寶典儀考九幽長夜之科遵玉
匱明具之式精修齋直上答靈慈伏冀三界

照臨諸天憫護賜九玄七祖超苦趣於幽開
春屬親緣享福祥於昭代且積生累咎往世
究難及主務已來公私負犯或實刑不當或
裁斷失宜俗有怨嗟過書陰臨致使動貽障
塞莫復亨通晝夜猶懷常增憂傷因今齋謝
並乞懺除亡男昭胤未及壯年飄魂異境憫
其淪謝悲痛尤深或有邪沴侵傷或是幽靈
拘制度祈道力伴逐生神度南丹流火之庭
昇上境洞陽之府參玄證品悟道登真罪咎
彌除寃債和釋臣等災經超解厄運清消祿
秩壽進更期延益惟勸誠節永酬聖主之恩
克勵焚修仰副真靈之祐

王承嗣為亡考修明真齋詞

伏聞至道開闢三尊垂教惠覃幽顯澤泱死
生遊觀八門播弘慈而濟苦憫傷幽夜迴法
炬以流光南宮開鍊化之庭丹簡啓超昇之
籍上智童子願開罪福之由飛天神人請示
懺陳之品教明真典與拔度幽關披玉匱靈
科解銷考對玄清昏翳縱潤焦勞拯拔窮魂
咸為善美終天載劫俱沐玄慈臣先考運偶

道風常奉寶錄身逢聖日累踐官榮處世網
之中寧無過悞履塵寰之內必有愆違况職
主庖羞須行宰戮旋司戎伍每舉刑章出領
郡符入居近密或抑強撫弱或三令五申既
奕重輕即為釁咎又自鄉閭隔越兵火亂離
故里墳塋或有侵毀塚訟延注逮及子孫兼
割貨所居移易門巷土木修造有觸明神以
此憂惶皆祈懺謝是敢遵靈寶科格修明真
道場精潔香燈豐嚴信幣披心露懇悔過希
恩伏惟

太上三尊十方衆聖神光下燭惠溥滂流救

先考累世已來深殃積罪削名地簡濯質天
衢故傷誤殺之愆往債前寃之目後嗣考延
之咎先人怨責之瑕並賜原除內外清淨即
乞鍊神丹霍列籍青華不經於岱嶽鄆山克
證於福堂天路上願九玄開度七祖超昇墳
墓安寧幽冥潛靜三途六趣共洽勝功內族
外親俱臻景祐剗心投血拜手祈天不任號
頌激切涕咽之至謹詞

皇太子宴諸將祈晴感應靈寶齋詞

蓋聞至道應機有同響谷明神赴感無異影
隨緬惟幽贊之私每荷垂休之力六月二十
二日皇太子之會諸將已上卜吉辰方當暑
雨之時遂有晴明之禱果蒙靈貺叶此誠祈
不移頃刻之間驟止滂沱之勢群山曉碧天

高而屏翳收雲六合風清日迫而義和弄
讎廷克備中外同歡今則旋整車徒爰申弔
伐千軍雷動山川絕泥濘之虞萬馬星馳戈
甲曜晶熒之色佇平兇梗大拯黎元思答真
官式陳齋薦連燈夜簇蘭德朝飛禮禮精嚴
○香花紛郁必達清都之聖更崇紫府之勳仰
叩玄功以昌鴻業不任虔祝之至謹詞

皇帝為老君修黃籙齋詞

蓋聞混漢之先希夷之表厥惟至聖先宅九
清敷澹然冲寂之宗行不宰無為之教上自
三古旁連萬區飲若真風贊乎成化粵自經
綸之始洎膺推戴以來常謙明誠每申瞻奉
而光靈累洽楨規繼臻仙居賜受命之符顯
隆基業宣室發祝祈之念必至感通由是風
雨常均氛邪不起四封無警百穀常登祇荷

恩休寔思昭謝爰因今序特修齋壇三日精
嚴六時齋潔冀憑闕奏上答玄功今則方命
師徒將平兇醜備資道力俾殄島巢借豐隆
列缺之威掃孽函貪狼之族更垂嘉祐永泰
寰瀛不任祝望之至謹詞

蜀州孟附馬就銜設銷災遣拔黃籙
道場詞

臣聞至道深微玄功廣大包萬天而布化周
品素以沈思故能下拯冥關廣享邦國鎮安
土地和喻神明皆遵宰制之歡盡悅慈悲之
力古今共稟幽顯無遺巨風奉玄休早承皇
澤未展消埃之効驟叨付付之榮況累掌重
難兼司刑憲詳評獄訟慮乖仁恕之規主領
兵師實審訓齊之要動貽過咎常切兢憂自
臨在郡城每懷兢慎逢鍾殃罰敢望生全禮
制所拘殞絕無所偷延視息又降暹恩泣血
籲天榮範何祈竊聞玄元設教紫陽有遷披
之儀正一垂科黃籙有懺祈之路是敢肅嚴
公署崇設齋壇拜表九清騰詞三界伏冀三
尊聖聖弘潤濟之慈夜府泉高遠超昇之路

賜鄒國夫人某氏魂神安泰福善資養積過
深瑕皆從蕩除不拘地府徑上天堂七祖九
玄前亡往遊俱昇道力齊會福庭又宅宇之
中累經修改恐因觸動未獲安寧願憑齋謝
之緣考解紀遠之過龍神復位土地安和居
止利宜山災銷珍城隍社廟里域真官密奉
神功永居福地上願帝圖隆固聖壽延洪太
子諸王擁宏休而奉國后妃嬪主承景既以
臣朝中外寮臣六軍萬姓同歡昌運克遠安
貞歲有豐登俗無疵癘率土之內一統萬方
並臻仁壽之鄉咸奉昇平之化不任歸命披
心虔誠懇願之至

中州刺史張太博敬周為鶴鳴化枯
栢再生修金籙齋

伏聞至道玄通神功廣運裁成天地敷讚帝
王羲軒取燧之君堯舜禹湯之主莫不師資
冲漢啓迪雍熙致作曆之尾洪俾聲明之振
赫或乘風滄海或證品紫庭光燭九曜膏均
三景伏惟大蜀皇帝乘樞御運握斗故元執
大象而撫華英駕六龍而綏億兆德逾堯禹

聖德義融宮虛窮製之君奉縣向化靡漢溼
 溼之虜重譯求有澤浸山川仁單草木靈禽
 棲於內苑嘉獸宅於上林三秀呈祥十朋表
 異而猶勞謙恭已讓德於天符特造簡編益
 深於攝挹本則神仙幽贊靈化垂休應澤潤
 洽於朽根枝幹^{第五}再榮於枯栢風來翠壁重飄
 遠近之香月過華壇復親扶疎之影其為嘉
 瑞實冠古先有以見天枝帝葉之繁昌聖壽
 寶圖之永遠雖未生情廟堂吐形庭徒美前
 聞難借聖感^臣榮達昌運叨領郡符屬邑之
 中親在上瑞藻繪朝陳於龍闕絲綸夕降於
 鳳閣旋錫御詞嚴申煦祝褒稱顯煥榮耀優
 隆量恩而溟海未深荷聖而乾坤難報效因
 皇帝本命之日修金錄道場翹觶丹襟仰祈
 玄貺伏冀諸天降鑒萬聖昭臨流巨福於社
 稷尊靈增景祐於宗桃先聖二儀並固萬國
 同文皇帝壽等^以峨峨明齊日月普頌正朔一
 統寔瓊皇太后受福紫宸增齡丹籙皇太子永
 扶皇極養德青宮公主嬪妃宗臣聖日諸王
 百辟欽贊皇基九土又康五兵韜戢煙塵殄

息稼穡豐登動植飛沉三途六趣俱承恩澤
 咸詣福庭^臣誓傾忠孝之規上答聖明之澤

廣成集卷之五



廣成集卷之六

敢六

眾修北帝衙醮詞

伏以五氣玄天北宮大帝司明善惡統御死
 生壽祿吉凶咸資校錄巨竊恐天文宿曜有
 臨照之災本命行年有刑妨之咎仰祈真聖
 特具修穰虔登丹誠同伸醮禮伏乞解除災
 厄延益年齡落死籍於北鄴上生名於南極
 公私和泰眷屬安寧即仰荷帝君慈祐之恩

三會醮錄詞

臣獲奉正真參受玄錄內期修煉以保身心
 外冀威靈以攘災沴依科佩受早達寶持但
 慮世務所拘塵機所役奮戒之日朝誦有虧
 修行之辰香燈或闕善功未立過咎易彰真
 氣靈官未垂應祐玄司天府謹責不專三命
 五行災變未^水湯旦夕憂懼冰炭在懷今以上
 會之辰天官考校之日功過善惡巨細無遺
 是敢瀝懇披心虔誠悔過精修醮禮拜奏章
 文伏惟眾聖垂慈赦其愆咎降流雲應銷解
 災凶三部吏兵常加祐護動息康泰永享利